



Inatsisartunut ilaasortaq
Niels Thomsen
Demokraatit

GU pillugu § 37 naapertorlugu apeqqummut nr. 2011-57-imut akissut

9. marts 2011
Sagsnr. 2011-044291
Dok. Nr. 582282

Inatsisartut suleriaasianni § 37 naapertorlugu inuusuttut qassit ilinniartorlutik najugaqarfimmittit nuussimanersut, angerlarsertarnermut suna pissutaasinnaansoq, kiisalu Naalakkersuisut maanna sumiiffiit ilinniarnertuunngorniarfeqarfiusut saniatigut ilinniarnertuunngorniarfikkat pilersitsinialersaarnersut pingasunik apeqquteqarsimavutit:

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

1. Naalakkersuisut paasissutisseeqquneqarput, piffissami 2005 – 2010-mut inuusuttut qassit, illoqarfitsik nunaqarfitsilluunniit qimassimaneraat inuusuttut ilinniartagaannik (GU, HTX imaluunniit HHX) aallartitsiumallutik.

Akissut:

Piffissami 2005-2010-mi atuartut atuarfimmittit misilitsissimanermit uppersaateqarlutik atuarunnaartut imaapput: Taakkunannga 42-45 %-it 2010-p naanerani ilinniakkamik ingerlataqarput. Ilinniartunit taakkunannga 30 aamma 50 %-it missaanniittut illoqarfimmittit nuuttariaqarsimapput.

Takuss. 1: Atuartut misilitsissimanermit uppersaatillit ilinniakkamik ingerlataqartut nuussimasullu.

	2005	2006	2007	2008	2009	2010
Atuartut misilitsissimanermit uppersaatillit	1011	987	925	1610	912	835
2010-p naanerani ilinniakkamik ingerlataallit	475	454	405	704	365	128
Inuusuttut illoqarfigisaminnit nuussimasut	180	165	177	378	135	39

Paasissutissarsiffik: Inerisaaviup karakterit pillugit paasissutissaasivia ilinniagaqarnersiutinillu nalunaarsuiffik.

2. Naalakkersuisut tunngavilersorluakkamik nalilersueqquneqarput, qanoq ilinniartinni qulaani taaneqartuni unitsitsiinnartarneq angerlarsernermit attuumassuteqarsinnaansoq.

Akissut:

KIIIN-imi 2010-mi avataanit siunnersortimik atorfinitsitsisoqarpoq Nunatsinni ilinniarnertuunngorniarfinni taamaatiinnartoqartarneranik misissuinissamut. Nalunaarusiaq taanna siunissami qaninnermi saqqummiunneqassangatinneqarpoq.

Oqaatigineqassaarli tassani paasinarsimmat angerlarserneq ilinniartup atugaasa allat pitsaanerpaajunnginnerannut ersiutaasartoq. Tassunga ilanngullugu oqaatigineqarsinnaavoq ilinniartut ineqarfiini pissutsit immaqa pitsaavallaanngitsut, immaqa ilisarimasasaqarneq inuusuttumut ingerlalluanngilaq, immaqa atuartitsineq pitsaavallaanngilaq immaqaluunniit allarluinnaq pissutaavoq. Misissuinnermi inuusuttup angerlarsimaffimmit ilinniartitaanermut ikaarsaariarnera oqilisaassiffiginialugu allaffissornermit, aningaasaqarnermit inuttulluunniit atukkanut tunngatinneqarsinnaasut arlaqarput. Tamatumunnga atatillugu pingaaruteqarpoq ilinniartut ineqarfiisa ullutsinnut naleqqunnissaat, taamaalilluni inuusuttut ilinniarnermi pitsaasumik toqqissisimanartumillu najugaqarnissaat qularnaarniarlugu. Maanna ilinniartut ineqarfiinik ilinniartitsisunut inissiatlinnik sanaartortoqarpoq, tassaniitinneqarsinnaallutik ilinniartut inuusunnerusut tapersorneqarusullutik saaffissaqartinneqarsinnaasut. Taamaatiinnartoqartarnera akiorniarlugu assigiinngitsorpasuumik suliniuteqartoqarpoq; ilinniartunik coacherineq, atuakkerinnermi ikiunneq, tarnip pissusiinik ilisimasalimmut ikiorsiititsineq nerisassiortoqartitsinerlu, ilaat taalaaginnarniarlugit. Atuarfiit ataasiakkaat namminneq naliliisarput suut iluaqutaanersut qinnuteqartoqarneratigullu suliniutinik attuumassuteqartunik aallartitsisarlutik.

3. Naalackersuisut paasissutisseeqquneqarput eqqarsaatigineqarnersoq inuusuttut ilinniarfiinik illoqarfinni allani aallartitsisoqalersaarnersaq. Tamatumunnga tunngatillugu Naalackersuisut qinnuigerusuppakka pulaffigissallugu assersuutigalugu Ilulissani GU-mik pilersitsisoqassagaluarpat aningaasartuutaasussat. Tamanna soorunami sanillersuunneqassalluni unitsitsiinnartartut ikilissangunarnerrannut.

Akissut:

Aasianni ilinniarnertuunngorniarfimmu qinnuteqartut 2010-mi amerlasoorujussuupput. Inissaaleqineq pissutigalugu taamaatiinnartoqarsinnaanera millisarniarlugu amerlanerusullu ilinniarfimmu akuerisarumallugit Sisimiuni (Sanaartornermik Ilinniarfimi) HTX-imi ilinniarnertuunngorniarfiit atuaqatigiiaat marluk pilersinneqarput. Sisimiormiut 42-t 2010-mi Sisimiuni taamaalillutik 1g-mi aallartippu. Tamatuma kingorna aalajangiisoqarpoq taakku marluk Sisimiuni siunissami ingerlatiinnarneqassasut. Taamatut aaqqiinnermut pissutaasut ilaatigut ilagaat suliatigut avatangiiseqareemat, tamatumunnga peqatigitillugu Sanaartornermik Ilinniarfiup allissutaasoq ammaqqammerpaa taamaalillunilu atuaqatigiiaat marlunnik ilaneqarsinnaanngorlugit.

maanna Maniitsumi Ilinniarnertuunngorniamernik atuaqatigiiffiusunik marlunnik piilersitsinissaq misissorneqarpoq. Inissanik siunertamut atorneqarsinnaasunik peqarnersoq, kiisalu ilinniarnertuunngorniarqarnissamut ilinniartussaqaarnersoq inuusuttunillu Maniitsumeersunik ilinniarnertuunngorniarfimmu qinnuteqartartut amerlassusaat maanna misissorneqarallarpoo. Maanna imaappoo inuusuttut pitsaasumik sunniuteqartut; inuusuttut pilersaarutillit, ilinniarusuttut angalanissamullu sapiissuseqartut, maanna ilinniarniarlutik aallartarlutik. Inuusuttut allat arlalinnik pissuteqartumik aallartilertorneq ajorput ukioqataallu maligassiuisuusut ilinniartiortlutik aallartarput taamaattumillu qimataasut aallartinniarnerat ajornakusoornersarluni.

Illoqarfimmi ilinniarnertuunngorniarfimmik pilersitsinikkut inuusuttut illoqarfimmi ingerlaqqikkusuttut illoqarfimmiitiinnarneqarsinnaapput taamaalillunilu inuusuttut allat siunissami sunnerlugit.

Ilulissani ilinniartussaqaarneq ilinniarnertuunngorniarfinni atuaqatigiiaani marlunniissinnaapput, ukioqatigiiaat 75-80-it missaanniimmata.

Ilulissani ilinniarnertuunngorniarfimmik pilersitsiniarluni aningaasartuutissat makku naatsorsuutigisariaqarput:

- Atuartitsivissani pilersitsineq
 - Atuaqatigiiaanut ingiaqatigiinnut marlunnut inissallit (illoqarfinit allanit ikinnerpaamik atuatoqarnissaa tunngavigalugu) 40.000.000 kr.
- Atuaqatigiiaat ingiaqatigiit ataatsit ingerlanneqarnerat (klassit pingasut) 8.800.000
 - Ukiunut atuaqatigiiaanik ingiaqatigiinnik marlunnik ingerlatsineq (Qaortumi ilinniarnertuunngorniarfimmisut) 17.600.000 kr.
- Ukiuni atuarfiusuni siullerni marlunni 18-it inorlugit ukiulinnik ilinniartoqarpat ilinniagaqarnerisutisiani ilinniartullu 18-it inorlugit ukiullit nerisaqarnerannut najugaqarnerannullu sipaarutit -2.800.000 kr.
- Ilinniartitsissarsiornermut, kiisalu pisattat nuunneqarnerannut il.il. aningaasaliissutit

Assersuutitut Aasianni ilinniarnertuunngorniarfimmi atuaqatigiit marlunnik ilaneqassappata ingerlatsinerumut aningaasartuutit atuaqatigiiaanut ataatsinut 4,2 mio. kr.-iussapput, tassa katillugit 8,4 mio. kr.-it, Ilulissani ilinniarnertuunngorniarfimmik ingerlatsinerup affaasa missaat. Tamanna ilaatigut annertuumik ingerlatsinerup iluaqutissartaqarneranik pissuteqarpoq, tassami ilinniarfioreersumi ingerlatanik annertusaaneq taamatulli allaffimmiunik, ilinniartitsisunik atorfinitsitsiviusariaqanngimmat allanillu isumagisassartaqanngimmat immikkoortumik nutaamik mikisumik pilersitsinerumut ingerlatsinerumullu sanilliullugu.

Ilulissani ilinniarnertuunngorniarfeqalernikkut taamaatiinnartartut ikilisinneqarsinnaassagunaralarput, angerlarsimaffimminnit nuuttariaqanngitsunut, taamaattorli tamanna pissutigalugu suliatigut avatangiisit atuinnaarsinnaanerit ilinniartitsisullu tamanna sulisussarsiarineqarsinnaanerit ernumagineqarpoq.

Inussiarnersumik inuulluaqqusillunga

Mimi Karlsen